

МБДОУ «ЦРР-детский сад «Чуораанчык» с. Ымьяхта MO «Намский улус» РС(Я)
Иитээччи Винокурова Людмила Дмитриевна
Бэлэмнэнии бөлөх оқолоругар саңа дьыллаағы утренник сценарийа

«Аптаах саңа дьыл киэһэтэ»

Оруоллар:

Бытааччы

Тымныы оқонньор

Хаарчаана

Дьэгэ – Бааба

Папуастар

Санта – Клаустар

Илиңни дойду кырасаабыссата

Туттуллар тэрил: хордуонтан оңоһуллубут чаһы (циферблата туспа сыһыарыллар, 3 чааска кыырпахтаммыт).

(Бэһиэлэй муусуканан доҕуһуолланан маскараттаах оқолор киирэллэр).

Бытааччы: Сылы быһа кэтэспит кэллэ күндү кэммит, күлүмүрдүүр харыйалаах Саңа дьылбыт, аптаах кэрэ киэһэбит!

Ырыа «Саңа дьыл»

(Хаарчаана киирэр)

Хаарчаана: Дорооболорун, оқолоор, Саңа дьылынан, саңа дьолунан! Кэллим мин эһиэхэ бырааппыныын Саңа дьыллыын аптаах киэһэни бэлэхтии. Оттон бу кэрэчээн харыйа уота умайбакка турар эбит дии. Миигин кытта хатылаан: «Биир, икки, үс – харыйабыт уота, сандаар!»

(Аптаах палочкатынан харыйа тула сылдьан далбаатыыр, лабааларын, оонньуурдарын таарыйар – харыйа уота умайбат).

Саңа дьыл: Эдьий Хаарчаана, харыйа уота 12 чааска умайахтаах.

Оқолоор, мин эһиэхэ саңа дьыллаағы чаһыны ақаллым. Саңа дьыл үүнүүтэ ким бу чаһы тыаһын истибит – дьоллоох буолуоға. (сумкатын арыяр, көрбүттэрэ: чаһы сорох чаастара суох).

Оқолоор, чаһыбыт хайдах буолбутуй, туга тийбэтий?

(Оқолор сыппаралара, срелката, чаастара суох диэн этэллэр. Музыка тыаһыыр. Күлэ – күлэ Дьэгэ Бааба киирэр).

Дьэгэ Бааба: Ха-ха-ха... Ити мин алдыаппытым, кыырпахтарын араас дойдуларынан тыалы кытта көтүспүтүм. Кыырпахтары булбаккыт, чаһыны оңорбоккут – оччоҕо Саңа дьыл буолбат, Тымныы оқонньор кэлбэт. Ха-ха-ха... (Тахсар).

Саңа дьыл: Хаарчаана оччоҕо Саңа дьыл буолбат дуо? Оттон оқолор бырааһынныкка бэлэмнэммиттэрэ аҕай дии... Тымныы оқонньору олус кэтэспиттэрэ...

Хаарчаана: Санаарҕаамаң, тугу эмит толкуйдуохпут. (Толкуйдаабыта буолар). Мин биллим, оқолоор, биһиги араас дойдуларынан айанныахпыт, кыырпахтары булуохпут, чаһыбытын оңоруохпут!

Саңа дьыл: Хайдах, тугунан айаннаан тийэбитий?

Хаарчаана: Баар миэхэ аптаах палочка. Кини көмөтүнэн ханна баҕар баар буолуохпут. Харахпытын симтибит, күүскэ тутустубут (оқолор үрдүлэринэн палочкатынан далбаатыыр).

Саңа дьыл: Ханнык сиргэ баар буолбуппут буолуой. Манна кимнээх баалларый?

(Муусука тыаһыыр, папуастар киирэллэр, үңкүүлүүллэр).

Хаарчаана: Оқолоор, биһиги Африкаҕа баар буолбуппут. Папуастар эмиэ Саңа дьылы көрсөллөр эбит.

Саңа дьыл: Үтүө күнүнэн! Биһиги саңа дьыллааҕы чаһыбыт кыырпахтарын көрдүү кэллибит.

Папуас: Бу маны көрдүүгүт дуо? (моонньугар чаһы кыырпаҕын быаҕа иилинэ сылдыар). Биһигини кытта тэңнэ ыллаатаххытына, үңкүүлээтэххитинэ биирдэ биэриэхпит.

«Африкаҕа кыһын суох» ырыа

Папуас: Чаһыгыт кыырпаҕын төнүннэрэбит.

(Хаарчаана кыырпаҕы ылар)

Хаарчаана: Миэстэбитигэр олоробут, харахпытын симэбит уонна бэйэ бэйэбитин кытта сиэттиһэбит.

(Хаарчаана аптаах палочкатынан далбаатыыр, уот хараңарар. Муусука тыаһыыр, Санта – Клаустар киирэллэр, үңкүүлүүлэр).

Хаарчаана: Оқолоор, биһиги Санта – Клаус дойдутугар Америкаҕа баар буолбуппут. Биһигини кини бырааттара көрүстүлэр.

Саңа дьыл: Үтүө күнүнэн! Биһиги саңа дьыллаақы чаһыбыт кыырпахтарын көрдүү кэллибит.

Санта–Клаус: Бу маны көрдүүгүт дуо? (моонньугар чаһы кыырпаҕын быаҕа иилинэ сылдыар). Биһигини кытта тэңнэ флешмоб үңкүүлээтэххитинэ уонна оонньоотоххутуна биирдэ биэриэхпит.

Флешмоб үңкүү. Оонньуу «Хаарынан баскетбол»

Оқолор икки хамаандаҕа арахсаллар. Хаар хомуогун корзинаҕа быраңан киллэриэхтээхтэр. Элбэхтэ киллэрбит хамаанда кыайыылаах тахсар.

Санта–Клаус: үңкүүлээтибит, оонньоотубут, чаһыгыт кыырпаҕын төнүннэрэбит.

(Хаарчаана кыырпаҕы ылар)

Хаарчаана: Миэстэбитигэр олоробут, харахпытын симэбит уонна бэйэ бэйэбитин кытта сиэттиһэбит.

(Хаарчаана аптаах палочкатынан далбаатыыр, уот хараңарар, онтон сырдыыр. Илиңни дойду үңкүүтэ).

Хаарчаана: Оқолоор, биһиги Илиңни дойдуга баар буолбуппут. Манна эмиэ Саңа дьылы көрсөллөр эбит.

Саңа дьыл: Үтүө күнүнэн! Биһиги саңа дьыллаақы чаһыбыт кыырпахтарын көрдүү кэллибит.

Илиңни дойду кырасаабыссата: Бу маны көрдүүгүт дуо? (моонньугар чаһы кыырпаҕын быаҕа иилинэ сылдыар). Миигин кыһыңны оонньоунан сэргэхситтэххитинэ биирдэ биэриэҕим.

Оонньуу «Илигин тоңорума»

Оқолор төгүрүччү тураллар. Хаарчаана аптаах палочкатынан оқо уунан турар илиитин таарыйбахтаах. Хаарчаана палочканын таарыйа илигинэ оқо илиитин успейдаан кэннигэр кистиэхтээх.

Илицни дойду кырасабыссата: Чаһыгыт кыырпағын төнүннэрэбин.

(Хаарчаана кыырпағы ылар).

Хаарчаана: Кыырпахтарбытын барытын буллубут. Миэстэбитигэр олоробут, харахпытын симэбит уонна бэйэ бэйэбитин кытта сиэттиһэбит. Билигин төптөрү дойдубутугар баар буолуохпут.

(Хаарчаана аптаах палочкатынан далбаатыыр, уот хараңарар, онтон сырдыыр).

Саңа дьыл: Билигин чаһыбытын оңоруохпут, Саңа дьылбыт буолуо, Тымныы оңонньорбут тийэн кэлиэ.

(Хаарчаана кыырпахтары холботолоон чаһыны оңорор. Кураннар тыаһыыллар. Муусука доҕуһуолунан Тымныы оңонньор киирэн кэлэр).

Тымныы оңонньор: Э-һэ-һэй!!! 12 чаас буолаатын Саңа дьылбыт үүннэ! Уруйдаан-айхаллаан тийэн кэлиим мин эһиэхэ. Көрсүбэтэхпит сыл буолла, оқолоор. Улааппыккыт, маладыастар. Оттон миигин кэтэстигит дуо?

Оқолор: Кэтэһэн.

(Арай Тымныы оңонньору ким эрэ хаарынан быраңар).

Тымныы оңонньор: Хайа, бу ким миигин хаарынан быраңарый?

(Оқолор саһан турар Дьэгэ Баабаны көрөллөр, этэллэр, эрдэ тугу гыммытын кэпсириллэр).

Тымныы оңонньор: Кэл эрэ бэттэх, эн тоқо бырааһынныңы буортулуу сылдыағын?

Дьэгэ Бааба: Бырааһынныңы син биир мэхэйдим. Харыйа уотун умулларыам.

Тымныы оңонньор: Быракаас оңоро сылдыбыккын билигин тоңорон кэбиһим!!!

(Торуоскатынан таарыйар, Дьэгэ Бааба «тоңон» хаалар).

Хаарчаана: Эһээ, кини аны быракаастыа суоқа, баһаалыста, ириэр.

(Тымныы оџонньор торуоскатынан таарыйар, Дьэгэ Бааба «ирэр», дэлби тоџмут, илибириир).

Тымныы оџонньор: Бу сырыыга бырастыы гынабын. Аныгыскыга, дьэ, сэрэнээр.

Дьэгэ Бааба: Оттон миигин ким да бырааһынньыкка ыңырбатаџа, мин эмиэ бырааһынньыктыахпын баџарабын. Буруйбун билинэбин, мантан инньэ үчүгэй буолуом (Сүүрэн тахсар, мөһөөччүк тутуурдаах киирэр). Мин эһиэхэ кэһии аџаллым, үчүгэй да үчүгэй. Бу көрүң (мөһөчүктэн эргэ былааччыа хостуур) оџо сылдьан кэппитим. Ким ылар? Оттон бу көрүң хобордоох баар, сууйа түһэн баран, сиэркилэ курдук көрүнүөххэ сөп. Тоџо мин кэһиилэрбин ким да сөбүлээбэтэ? Оттон мин кэһии хомуйарга наһаа кыһаллыбытым.

Тымныы оџонньор: Оннук буоллаџына, санаарџаама, мин эһиэхэ көмөлөһүөм.

(Мөһөөччүк тула хаама сылдьан «аптыыр», торуоскатынан муостаны тоџсуйар, онтон мөһөөччүгү таарыйар).

Тымныы оџонньор: Чэ, көр эрэ.

Дьэгэ Бааба: Ураа! Дьыңнээх бэлэхтэр!

Тымныы оџонньор: Хоһоон аахпыт оџолорбор бэлэхтэрбин туттартыам.

(Оџолор хоһоон ааџаллар, бэлэх ылаллар).

Тымныы оџонньор: Барар кэммит тийэн кэллэ, эһиил эмиэ кэлиэхпит.

Хаарчаана: Саңа дьылынан! Саңа дьолунан!

Тымныы оџонньор: Көрсүөххэ диэри!

(Тахсан бараллар).